

Broj:
Kakanj: ____ . ____ . 2018.godine

Na osnovu člana 13. Zakona o principima lokalne samouprave u Federaciji Bosne i Hercegovine („Službene novine Općine Kakanj, broj: 49/06, 51/09) i člana 24. Statuta Općine Kakanj („Službene novine Općine Kakanj, broj: 4/08), a u vezi sa članom 33. Odluke o izvršavanju Budžeta Općine Kakanj za 2018. godinu, broj: 01/1-15-545/17 od 28.12.2017. godine („Službene novine Općine Kakanj, broj:1/18), Općinsko vijeće na __ sjednici, održanoj ____ . ____ . 2018. godine, usvojilo je

PROGRAM

UTROŠKA SREDSTAVA IZ BUDŽETA OPĆINE KAKANJ ZA PODSTICAJE U POLJOPRIVREDI ZA 2018. GODINU

1. Podaci o Programu

Program utroška sredstava iz Budžeta Općine Kakanj za podsticaje u poljoprivredi za 2018. godinu sa kriterijima raspodjele temelji se na odobrenim sredstvima za ovu namjenu u Budžetu Općine Kakanj za 2018. godinu sa pozicija:

- „Podsticaj poljoprivrednoj proizvodnji“
- „Podsticajna sredstva za proširenje poljoprivredne djelatnosti – (Program OV-a)
- „Ugovori o djelu iz Programa podsticaja poljoprivrednoj proizvodnji“,
- „Ostale usluge iz Programa podsticaja poljoprivrednoj proizvodnji“.

2. Period realizacije Programa

Isplata podsticaja se odnosi na poljoprivrednu proizvodnju koja će se realizirati u periodu od 01.01.- 31.12.2018. godine.

3. Raspoloživi iznos sredstava

- Podsticaj poljoprivrednoj proizvodnji u iznosu od 100.000,00 KM,
- Podsticajna sredstva za proširenje poljoprivredne djelatnosti – (Program OV-a) u iznosu od 380.000,00 KM.
- Ugovori o djelu iz Programa podsticaja poljoprivrednoj proizvodnji u iznosu od 10.000,00 KM,
- Ostale usluge iz Programa podsticaja poljoprivrednoj proizvodnji u iznosu od 10.000,00 KM

4. Namjena programa

- Podsticaji u poljoprivrednoj proizvodnji,
- Kapitalna ulaganja - finansiranje/sufinansiranje
- Ostale vrste podsticaja

5. Korisnici programa

Poljoprivredni proizvođači, zadruge, otkupljivači poljoprivrednih proizvoda, Savez udruženja poljoprivrednih proizvođača „KAP“ Kakanj, udruženja poljoprivrednih proizvođača sa područja općine Kakanj i druga fizička i pravna lica.

6. Izvor sredstava

Budžet Općine Kakanj za 2018. godinu, pozicija „Podsticaj poljoprivrednoj proizvodnji“ ekonomski kod: 614500, „Podsticajna sredstva za proširenje poljoprivredne djelatnosti - (Program OV-a), ekonomski kod: 614500, „Ugovori o djelu iz Programa podsticaja poljoprivrednoj proizvodnji - ugovori o djelu“ ekonomski kod: 613900 i „Ostale usluge iz Programa podsticaja poljoprivrednoj proizvodnji - ostale usluge“, ekonomski kod: 613900.

UVOD

Programom utroška sredstava iz Budžeta Općine Kakanj za podsticaje u poljoprivredi za 2018. godinu, Općina Kakanj nastoji intenzivnije razvijati poljoprivrednu proizvodnju, podsticati poljoprivredne proizvođače kako bi proizveli značajnije količine poljoprivrednih proizvoda za vlastite potrebe i za potrebe tržišta, te na taj način obezbijediti egzistenciju sebi i svojoj porodici.

Pored ovog cilja postoje i drugi specifični ciljevi Programa, a to su:

- formiranje porodičnih gazdinstava,
- osposobljavanje tržišno orjentisanih proizvođača,
- intenziviranje postojeće poljoprivredne proizvodnje,
- značajnije korištenje poljoprivrednog zemljišta i drugih raspoloživih resursa,
- mogućnost samozapošljavanja.

Članom 26. Zakona o poljoprivredi ("Službene novine FBiH", broj: 88/07, 04/10, 07/13) navedeno je da jedinice lokalne samouprave mogu osigurati novčane podrške za razvoj poljoprivrede, te je u skladu s tim i u Budžetu Općine Kakanj za 2018. godinu odobreno 500.000,00 KM za podsticanje poljoprivredne proizvodnje, što predstavlja kontinuirano izdvajanje iz ukupnog Budžeta Općine za poljoprivredu na području općine Kakanj.

Program utroška sredstava iz Budžeta Općine Kakanj za podsticaje u poljoprivredi za 2018. godinu podrazumijeva jednokratne isplate za stimulisanje animalne i biljne proizvodnje, otkup poljoprivrednih proizvoda, podsticaj Savezu poljoprivrednih udruženja i udruženjima poljoprivrednih proizvođača sa područja općine Kakanj, zatim kapitalna ulaganja – finansiranje ili sufinansiranje projekata iz oblasti poljoprivrede, te ostale vrste podsticaja (izvještajno prognozni poslovi, edukacije poljoprivrednih proizvođača, medijsko predstavljanje poljoprivrede na području općine Kakanj, organizovani odlazak poljoprivrednika na sajmove, studentske posjete i dr.)

Nakon usvajanja Programa podsticaja od strane Općinskog vijeća, Služba za privredu, urbanizam i zaštitu okoline će u saradnji sa nadležnom općinskom službom, mjesnim zajednicama, zadrugama, Savezom poljoprivrednih udruženja i sredstvima javnog informisanja obavijestiti poljoprivrednike o podsticajnim mjerama, kao i o kriterijima koji moraju biti ispunjeni da bi podsticajna sredstva bila odobrena.

Pri izradi Programa za 2018. godinu uvažavali su se slijedeći parametri:

- resursne mogućnosti općine Kakanj,
- kontinuitet podsticajnih mjera i iskustva u realizaciji novčanih podsticaja prethodnih godina,
- Strategija razvoja poljoprivrede općine Kakanj za period 2016-2020.godina,
- analiza Pravilnika o načinu i uslovima ostvarenja novčane podrške po modelu podsticaja proizvodnji („Službene novine FBiH“, broj: 32/17, 55/17),

- analiza Programa novčanih podsticaja u poljoprivredi Vlade ZE-DO kantona za 2017. godinu,
- sugestije učesnika u sektoru poljoprivrede (Savez poljoprivrednih udruženja, zadruge, otkupljivači poljoprivrednih proizvoda, međunarodne organizacije koje učestvuju u sufinansiranju i dr.),
- iznos odobrenih sredstava u Budžetu Općine Kakanj,
- i drugi parametri.

Na osnovu navedenih parametara sačinjen je Program utroška novčanih sredstava sa pozicija „Podsticaj poljoprivrednoj proizvodnji“, „Podsticajna sredstva za proširenje poljoprivredne djelatnosti - (Program OV-a), „Ugovori o djelu iz Programa podsticaja poljoprivrednoj proizvodnji“ i „Ostale usluge iz Programa podsticaja poljoprivrednoj proizvodnji“, odobrenih u Budžetu Općine Kakanj za 2018. godinu.

I NAČIN OSTVARIVANJA PODSTICAJA

Novčane podsticaje u primarnoj poljoprivrednoj proizvodnji mogu ostvariti poljoprivredni proizvođači (nosioci poljoprivrednih gazdinstava), pravna lica, zadruge, otkupljivači poljoprivrednih proizvoda, Savez poljoprivrednih udruženja „KAP“ Kakanj, udruženja poljoprivrednih proizvođača sa područja općine Kakanj, koji su upisani u Registar poljoprivrednih gazdinstava i Registar clijenata u Općini Kakanj i da su obavili ažuriranje podataka u 2018. godini do predviđenog roka po Pravilniku o upisu u Registar poljoprivrednih gazdinstava i registar clijenata (do 31.03.2018. godine) i oni koji obavljaju poljoprivrednu proizvodnju na području općine Kakanj, te ispunjavaju i ostale neophodne uslove.

Zahtjev sa neophodnom dokumentacijom u predviđenom roku se podnosi na prijemnu kancelariju Općine Kakanj, Službi za privredu, urbanizam i zaštitu okoline, Komisiji za podsticaje u oblasti poljoprivrede.

Nakon provjere i obrade dostavljene dokumentacije, Komisija za podsticaje, na terenu utvrđuje činjenično stanje i sačinjava Zapisnik, te za one kandidate koji ispunjavaju propisane kriterije obračunava visinu novčanih podsticaja i dostavlja Službi za finansije radi isplate.

Podsticajna sredstva će biti uplaćena na tekući račun korisnika, otvoren kod poslovnih banaka.

Ukoliko Komisija za podsticaje zapisnikom utvrdi da podnosilac zahtjeva ne ispunjava kriterije za ostvarivanje podsticaja, isti se pismeno obavještava i predmet se arhivira.

II SVRHA PROGRAMA

Svrha Programa je:

- intenziviranje postojeće poljoprivredne proizvodnje,
- značajnije korištenje poljoprivrednog zemljišta i drugih raspoloživih resursa,
- povećanje obradivih površina,
- nabavka nove poljoprivredne mehanizacije i druge opreme,
- povećanje obima poljoprivredne proizvodnje,
- zadovoljavanje potreba domaćeg tržišta vlastitim proizvodima,
- ruralni razvoj,
- samozapošljavanje u porodičnom domaćinstvu i sl.

III IZNOS SREDSTAVA I VRSTA PODSTICAJA SA KRITERIJIMA

Novčana sredstva odobrena u Budžetu Općine Kakanj za 2018. godinu iznose **500.000,00 KM**, i to na poziciji „Podsticaj poljoprivrednoj proizvodnji“ u iznosu od 100.000,00 KM, na poziciji „Podsticajna sredstva za proširenje poljoprivredne djelatnosti u iznosu od 380.000,00 KM, Ugovori o djeli iz Programa podsticaja poljoprivrednoj proizvodnji“ u iznosu od 10.000,00 KM i Ostale usluge iz Programa podsticaja poljoprivrednoj proizvodnji “ u iznosu od 10.000,00 KM.

Sredstva se raspoređuju u više oblasti poljoprivrede i druge namjene, a u skladu sa Programom utroška sredstava i razvrstana su u tri modela:

- A) Model podsticaja u poljoprivrednoj proizvodnji,
- B) Model kapitalnih ulaganja u poljoprivredi-finansiranje/sufinansiranje.
- C) Ostale vrste podsticaja

A) PODSTICAJI U POLJOPRIVREDNOJ PROIZVODNJI

- A/1 Podsticaj za animalnu proizvodnju,
- A/2 Podsticaj za biljnu proizvodnju,
- A/3 Podsticaj otkupljivačima poljoprivrednih proizvoda,
- A/4 Podsticaj za certifikaciju organske proizvodnje,
- A/5 Nagrađivanje najuspješnijih poljoprivrednih proizvođača,
- A/6 Rezervna sredstva.

B) KAPITALNA ULAGANJA U POLJOPRIVREDI - FINANSIRANJE/ SUFINANSIRANJE

- B/1 Registracija poljoprivrede (osnovna djelatnost),
- B/2 Podsticaj za povećanje proizvodnje svježeg kravljeg mlijeka u 2018. godini
 - 1. Podsticaj za proizvodnju svježeg kravljeg mlijeka za IV kvartal 2017, I, II i III kvartal 2018.godine,
- B/3 Podsticaj za povećanje proizvodnje u oblasti jagodičastog voća u 2018. godini
 - 1. Podsticaj za predate količine jagodičastog voća,
- B/4 Podsticaj za razvoj proizvodnje u oblasti povrtlarstva u 2018.godini
 - 1. Podsticaj za predate količine ploda zelenog feferona,
- B/5 Podsticaj za održavanje intenzivnih zasada visokostablašica (jabučasto, koštičavo i jezgrasto voće),
- B/6 Podsticaj za sufinansiranje nabavke nove poljoprivredne mehanizacije, priključaka, aparata i druge opreme u poljoprivredi u 2018. godini,
- B/7 Troškovi rada kancelarije Saveza poljoprivrednih udruženja „KAP“ Kakanj za 2018.godinu,
- B/8 Ugovorene obaveze iz 2017.godine,
- B/9 Neisplaćeni podsticaji iz 2017.godine,
- B/10 Sufinansiranje projekata udruženjima poljoprivrednih proizvođača u cilju razvoja i unapređenja poljoprivrede na području općine Kakanj,
- B/11 Sufinansiranje projekta laktofrizacije na području općine Kakanj,
- B/12 Nabavka izložbenih stolova za promociju poljoprivrednih proizvoda na sajmovima.

C) OSTALE VRSTE PODSTICAJA

C/1 Izvještajno - prognozni poslovi,

C/2 Medijsko predstavljanje poljoprivrede, sajmovi, studijske posjete, vezano za poljoprivredu i ruralni razvoj,

Napomena: Ukoliko se planirana sredstva po vrstama novčanih podsticaja iz objektivnih razloga u cijelosti ili djelomično ne iskoriste, ista se mogu preusmjeriti sa jedne pozicije na drugu unutar Programa, uz saglasnost Općinskog načelnika.

A) PODSTICAJI U POLJOPRIVREDNOJ PROIZVODNJI

Općina Kakanj je u Budžetu za 2018. godinu izdvojila sredstva na poziciji „Podsticaj poljoprivrednoj proizvodnji“ u iznosu od 100.000,00 KM.

Navedeni iznos sredstava je predviđen za realizaciju dole navedenih podsticaja:

A/1 Podsticaj za animalnu proizvodnju,

A/2 Podsticaj za biljnu proizvodnju,

A/3 Podsticaj otkupljivačima poljoprivrednih proizvoda,

A/4 Podsticaj za certifikaciju organske proizvodnje,

A/5 Nagrađivanje najuspješnijih poljoprivrednih proizvođača,

A/6 Rezervna sredstva.

A/1 Podsticaj za animalnu proizvodnju

1. Podsticaj za pčelarstvo

Pravo na podsticaj imaju pčelari sa područja općine Kakanj koji su upisani u registar poljoprivrednih gazdinstava i registar klijenata kao nosioci.

Kriterije koje je obavezan ispuniti podnosilac zahtjeva za dobijanje novčanog podsticaja za pčelarstvo su:

- da podnosilac zahtjeva posjeduje košnice stacionirane na području općine Kakanj,
- da dostavi potvrdu o članstvu u udruženju pčelara sa naznačenim brojem košnica pčela.

Podsticaj iznosi:

- 7,50 KM/košnici za korisnike koji su registrovali poljoprivrednu djelatnost (samostalni poljoprivrednici)
- 5,00 KM/košnici za korisnike koji nisu registrovali poljoprivrednu djelatnost

Potrebna dokumentacija za ostvarivanje podsticaja će biti navedena u javnom pozivu.

Rok za podnošenje zahtjeva je do 30.03.2018. godine.

Za realizaciju posla zadužuje se Komisija u saradnji sa udruženjima pčelara.

Procjena sredstava za ovaj podsticaj iznosi: **19.000,00 KM.**

2. Podsticaj za svinjogojstvo

Pravo na podsticaj imaju uzgajivači upisani u registar poljoprivrednih gazdinstava i registar klijenata kao nosioci i koji kandidiraju od 1 do 4 rasplodne krmače.

Podstiču se samo kvalitetne rasplodne krmače starije od 12 mjeseci i ostavljene u rasplodu za najmanje još jednu generaciju potomaka.

Grla kandidirana za podsticaj moraju biti obilježena ušnom markicom, u skladu sa Pravilnikom o obaveznom označavanju i upisu u jedinstveni registar ovaca, koza i svinja te vođenju evidencija. Ukoliko se utvrdi da grlo koje se kandidira nije obilježeno ušnom markicom, vlasnik grla nema pravo na ostvarivanje podsticaja za to kandidirano grlo.

U uzgoju mora biti osiguran stalni veterinarsko - zdravstveni nadzor, a nadležne veterinarske službe potvrđuju da su nad kandidiranim grlima provedene sve propisane mjere.

Podsticaj za rasplodne krmače iznosi:

- 150,00 KM/grlu za korisnike koji su registrovali poljoprivrednu djelatnost (samostalni poljoprivrednici)
- 100,00 KM/grlu za korisnike koji nisu registrovali poljoprivrednu djelatnost

Potrebna dokumentacija za ostvarivanje podsticaja će biti navedena u javnom pozivu.

Rok za podnošenje zahtjeva je do 31.08.2018. godine.

Za realizaciju posla zadužuje se Komisija.

Procjena sredstava za ovaj podsticaj iznosi: **3.000,00 KM.**

3. Podsticaj za specifične vrste poljoprivredne proizvodnje (ribarstvo, gljivarstvo, uzgoj konja, uzgoj prepelica i krznašica)

Pravo na podsticaj imaju uzgajivači specifičnih vrsta poljoprivredne proizvodnje sa područja općine Kakanj, upisani u registar poljoprivrednih gazdinstava i registar klijenata kao nosioci, a koji se aktivno bave ribarstvom, gljivarstvom, uzgojem konja, uzgojem prepelica i krznašica.

Podsticaj za specifične vrste poljoprivredne proizvodnje iznosi do 300,00 KM/korisniku (zavisno od obima proizvodnje), a za poljoprivredne proizvođače koji su registrovali poljoprivrednu djelatnost (samostalni poljoprivrednici) podsticaj se uvećava za 50%.

Potrebna dokumentacija za ostvarivanje podsticaja će biti navedena u javnom pozivu.

Rok za podnošenje zahtjeva je do 28.09.2018. godine.

Za realizaciju posla zadužuje se Komisija

Procjena sredstava za ovaj podsticaj iznosi: **4.000,00 KM.**

A/2 Podsticaj za biljnu proizvodnju

1. Podsticaj za plasteničku i stakleničku proizvodnju

Pravo na ostvarivanje podsticaja mogu ostvariti poljoprivredni proizvođači upisani u registar poljoprivrednih gazdinstava i registar klijenata kao nosioci i koji ispunjavaju slijedeće uslove:

- u plasteniku ili stakleniku imaju zasnovanu proizvodnju povrća,
- imaju plastenike ili staklenike površine od 100 m² do 500 m²,
- da je visina konstrukcije na najvišem dijelu minimalno 2 m,
- da su plastenici sa UV folijom, zatvoreni sa čeonih strana i montiranim vratima za ulazak i izlazak.

Podsticaj iznosi:

- 2,25 KM/m² za korisnike koji su registrovali poljoprivrednu djelatnost (samostalni poljoprivrednici)
- 1,50 KM/m² za korisnike koji nisu registrovali poljoprivrednu djelatnost

Potrebna dokumentacija za ostvarivanje podsticaja će biti navedena u javnom pozivu.

Rok za podnošenje zahtjeva je do 29.06.2018. godine.

Za realizaciju posla zadužuje se Komisija.

Procjena sredstava za ovaj podsticaj iznosi: **20.000,00 KM.**

2. Podsticaj za sufinansiranje osnovne i dopunske obrade poljoprivrednog zemljišta u oblasti ratarstva

2.1. Proljetna obrada poljoprivrednog zemljišta

Pravo na podsticaj imaju poljoprivredni proizvođači upisani u registar poljoprivrednih gazdinstava i registar klijenata kao nosioci i koji u tekućoj godini u proljeće obave osnovnu i dopunsku obradu zemljišta na vlastitom imanju ili na zemljištu u zakupu, površine od 2 do 20 dunuma i na istoj zasnuju ratarsku proizvodnju.

Podsticaj iznosi:

- 60,00 KM/dunumu za korisnike koji su registrovali poljoprivrednu djelatnost (samostalni poljoprivrednici),
- 40,00 KM/dunumu za korisnike koji nisu registrovali poljoprivrednu djelatnost

Potrebna dokumentacija za ostvarivanje podsticaja će biti navedena u javnom pozivu.

Rok za podnošenje zahtjeva za proljetnu obradu poljoprivrednog zemljišta je do 31.05.2018. godine.

2.2. Jesenja obrada poljoprivrednog zemljišta

Pravo na podsticaj imaju poljoprivredni proizvođači upisani u registar poljoprivrednih gazdinstava i registar klijenata kao nosioci i koji u tekućoj godini u jesen obave osnovnu i dopunsku obradu zemljišta na vlastitom imanju ili na zemljištu u zakupu, površine od 2 do 20 dunuma i na istoj zasnuju ratarsku proizvodnju.

Podsticaj iznosi:

- 60,00 KM/dunumu za korisnike koji su registrovali poljoprivrednu djelatnost (samostalni poljoprivrednici),
- 40,00 KM/dunumu za korisnike koji nisu registrovali poljoprivrednu djelatnost

Potrebna dokumentacija za ostvarivanje podsticaja će biti navedena u javnom pozivu.

Rok za podnošenje zahtjeva za jesenju obradu poljoprivrednog zemljišta je do 30.11.2018.godine.

Za realizaciju posla zadužuje se Komisija.

Procjena sredstava za podsticaje sa pozicije 2. „Sufinansiranje osnovne i dopunske obrade poljoprivrednog zemljišta u oblasti ratarstva“ iznosi: **25.000,00 KM.**

A/3 Podsticaj otkupljivačima poljoprivrednih proizvoda

1. Podsticaj za otkupljivača svježeg kravljeg mlijeka sa područja općine Kakanj

Pravo na podsticaj imaju registrovani otkupljivači svježeg kravljeg mlijeka sa sjedištem na području općine Kakanj i koji imaju organizovani otkup mlijeka i potpisane ugovore sa individualnim poljoprivrednim proizvođačima sa područja općine Kakanj, te da su upisani u registar poljoprivrednih gazdinstava i registar klijenata.

Podsticaj iznosi 0,01 KM/litar (zavisno od otkupljene količine svježeg kravljeg mlijeka).

Potrebna dokumentacija za ostvarivanje podsticaja će biti navedena u javnom pozivu.

Rok za podnošenje zahtjeva je:

- za I i II kvartal do 20.07.2018. godine,
- za III i IV kvartal do 21.12.2018. godine.

Za realizaciju posla zadužuje se Komisija.

Procjena sredstava za ovaj podsticaj iznosi: **7.000,00 KM.**

2. Podsticaj za organizovan otkup ljekovitog bilja, voća i povrća od individualnih poljoprivrednih proizvođača sa područja općine Kakanj

Iznos podsticaja je do 0,02 KM/kg otkupljenog ljekovitog bilja, svježeg voća i povrća

Uslovi koje mora ispuniti otkupljivač za novčani podsticaj za otkup ljekovitog bilja, voća i povrća:

- da je upisan u registar poljoprivrednih gazdinstava i registar klijenata,
- da je registrovan za navedenu djelatnost,
- da dostavi potvrdu o predatoj količini (sa imenima i prezimenima proizvođača, JMBG, predate količine i vrste voća i/ili povrća),

Potrebna dokumentacija za ostvarivanje podsticaja će biti navedena u javnom pozivu.

Rok za podnošenje zahtjeva je do 23.11.2018. godine.

Za realizaciju posla zadužuje se Komisija.

Procjena sredstava za ovaj podsticaj iznosi: **5.000,00 KM.**

A/4 Podsticaj za certifikaciju organske poljoprivredne proizvodnje

Podsticaj za certifikaciju organske poljoprivredne proizvodnje mogu ostvariti poljoprivredni proizvođači sa područja općine Kakanj koji posjeduju certifikat za organsku poljoprivrednu proizvodnju za 2018. godinu ili su u postupku certifikacije organske poljoprivredne proizvodnje, odnosno da posjeduju odluku o konverziji, te da su upisani u registar poljoprivrednih gazdinstava i registar klijenata kao nosioci.

Obaveza korisnika podsticaja je da održava certificiranu organsku proizvodnju najmanje 3 godine od dana dobijanja podsticaja, a Općina Kakanj se obavezuje da će korisniku podsticaja sufinansirati održavanje certificirane organske proizvodnje u periodu od 3 godine.

Iznos podsticaja je 250,00 KM/korisniku.

Potrebna dokumentacija za ostvarivanje podsticaja će biti navedena u javnom pozivu.

Rok za podnošenje zahtjeva je do 20.07.2018. godine.

Za realizaciju posla zadužuje se Komisija.

Procjena sredstava za ovaj podsticaj iznosi: **2.500,00 KM.**

A/5 Nagrađivanje najuspješnijih poljoprivrednih proizvođača sa područja općine Kakanj

Općina Kakanj je u protekle dvije godine nagrađivala najuspješnije poljoprivredne proizvođače, a koji su predloženi od strane udruženja poljoprivrednih proizvođača sa područja općine Kakanj - članica Saveza „KAP“ Kakanj. Udruženja su uz prijedlog za najuspješnije poljoprivredne proizvođače dostavljali i obrazloženje na osnovu čega su predloženi.

Osnovni kriterij koji proizvođač mora ispuniti je upis u Registar poljoprivrednih gazdinstava i registar klijenata kao nosilac, te da je izvršio ažuriranje podataka do predviđenog roka u 2018.godini.

Za realizaciju posla zadužuje se Komisija u saradnji sa Savezom poljoprivrednih udruženja „KAP“ Kakanj.

Procjena sredstava za ovaj podsticaj iznosi: **4.000,00 KM.**

A/6 Rezervna sredstva

Sredstva za hitne i nepredviđene aktivnosti u oblasti poljoprivrede koje se pojave tokom budžetske godine, u skladu sa utvrđenim kriterijima ovog Programa.

Realizacija – do kraja decembra tekuće godine.

Za realizaciju posla zadužuje se Komisija

Rezervna sredstva u iznosu od **10.500,00 KM.**

B) KAPITALNA ULAGANJA U POLJOPRIVREDI - FINANSIRANJE/ SUFINANSIRANJE

Općina Kakanj je u Budžetu za 2018. godinu izdvojila sredstva na poziciji „Podsticajna sredstva za proširenje poljoprivredne djelatnosti – (Program OV-a) u iznosu od 380.000,00 KM.

Navedena sredstva su predviđena za realizaciju dole navedenih podsticaja ili sufinansiranjem sa humanitarnim i nevladinim organizacijama i krajnjim korisnicima podsticaja, što bi povećalo iznos podsticajnih sredstava i broj korisnika podsticaja.

B/1 Registracija poljoprivrede (osnovna djelatnost),

B/2 Podsticaj za povećanje proizvodnje svježeg kravljeg mlijeka u 2018.godini

1. Podsticaj za proizvodnju svježeg kravljeg mlijeka za IV kvartal 2017, I, II i III kvartal 2018.godine,

B/3 Podsticaj za povećanje proizvodnje u oblasti jagodičastog voća u 2018.godini

1. Podsticaj za predate količine jagodičastog voća,

B/4 Podsticaj za razvoj proizvodnje u oblasti povrtlarstva u 2018.godini

1. Podsticaj za predate količine ploda zelenog feferona,

B/5 Podsticaj za održavanje intenzivnih zasada visokostablašica (jabučasto, koštičavo i jezgrasto voće),

B/6 Podsticaj za sufinansiranje nabavke nove poljoprivredne mehanizacije, priključaka, aparata i druge opreme u poljoprivredi,

B/7 Troškovi rada kancelarije Saveza poljoprivrednih udruženja „KAP“ Kakanj za 2018.godinu,

B/8 Ugovorene obaveze iz 2017.godine,
B/9 Neisplaćeni podsticaji iz 2017.godine,
B/10 Sufinansiranje projekata udruženjima poljoprivrednih proizvođača u cilju razvoja i unapređenja poljoprivrede na području općine Kakanj,
B/11 Sufinansiranje projekta laktofrizacije na području općine Kakanj,
B/12 Nabavka izložbenih stolova za promociju poljoprivrednih proizvoda na sajmovima.

B/1 Registracija poljoprivrede (osnovna djelatnost)

Pravo na podsticaj imaju nezaposlene osobe sa područja općine Kakanj:

- koje se nalaze na evidenciji Biroa za zapošljavanje,
- da imaju zasnovanu poljoprivrednu proizvodnju,
- da su upisani u registar poljoprivrednih gazdinstava i registar klijenata kao nosioci,
- da registruju poljoprivredu kao osnovnu djelatnost ili su već registrovali u 2018. godini i da istu održavaju najmanje 3 godine.

Podsticajna sredstva namijenjena su za refundaciju troškova obaveznih doprinosa (PIO, zdravstveno osiguranje i osiguranje od nezaposlenosti za registrovanu djelatnost) u prvoj i drugoj godini sa 100%, u trećoj godini Općina Kakanj refundira 50%, a krajnji korisnik sa 50 %.

Općina Kakanj će sačiniti i potpisati Ugovor sa odabranim korisnicima podsticaja u kojem će biti definisane obaveze. Obaveza korisnika podsticaja je da dostavlja mjesečne obrasce 2002 iz kojih su vidljive uplate obaveznih doprinosa, nakon čega će Općina Kakanj iste uplaćivati na žiro račun korisnika podsticaja.

Projekat će biti realiziran tokom godine do utroška sredstava.

Realizacija podsticaja će se obaviti nakon objavljenih javnih poziva u kojima će biti navedena potrebna dokumentacija.

Rok za podnošenje zahtjeva je 30 dana od objavljivanja javnog poziva.

Za realizaciju posla zadužuje se Komisija.

Procjena sredstava za ovaj podsticaj iznosi: **75.000,00 KM.**

B/2 Podsticaj za povećanje proizvodnje svježeg kravljeg mlijeka u 2018. godini

1. Podsticaj za proizvodnju svježeg kravljeg mlijeka za IV kvartal 2017, I, II i III kvartal 2018. godine

Pravo na podsticaj, imaju proizvođači svježeg kravljeg mlijeka upisani u registar poljoprivrednih gazdinstava i registar klijenata kao nosioci i koji imaju potpisan Ugovor za tekuću godinu o otkupu kravljeg mlijeka sa registrovanim otkupljivačem mlijeka i koji se nalaze na listi izdatoj od registrovanog otkupljivača svježeg kravljeg mlijeka sa otkupljenom količinom mlijeka po kvartalima. Podsticaji za navedenu proizvodnju će se isplaćivati kvartalno (za IV kvartal 2017 godine, I, II i III kvartal 2018 godine) s tim da će se IV kvartal iz tekuće godine planirati u Programu 2019.godine (na ovaj način se realizira podsticaj za proizvodnju svježeg kravljeg mlijeka na federalnom nivou).

Za ostvarivanje podsticaja potrebno je da se dostavi ovjerena Lista o otkupljenoj količini svježeg kravljeg mlijeka za poljoprivredne proizvođače sa područja općine Kakanj, sa navedenim isporučenim količinama kravljeg mlijeka po kvartalima, izdata od strane registrovanog otkupljivača kravljeg mlijeka.

Podsticaj iznosi:

- 0,12 KM/l za korisnike koji su registrovali poljoprivrednu djelatnost (samostalni poljoprivrednici),
- 0,07 KM/l za korisnike koji nisu registrovali poljoprivrednu djelatnost.

Potrebna dokumentacija za ostvarivanje podsticaja će biti navedena u javnom pozivu.

Rok za podnošenje zahtjeva je:

- za IV kvartal 2017. god. do 20.01.2018. godine,
- za I kvartal 2018. god. do 13.04.2018. godine
- za II kvartal 2018. god. do 13.07.2018. godine,
- za III kvartal 2018. god. do 12.10.2018. godine,

Za realizaciju posla zadužuje se Komisija.

Procjena sredstava za ovaj podsticaj iznosi: **65.000,00 KM.**

B/3 Podsticaj za povećanje proizvodnje u oblasti jagodičastog voća u 2018. godini

1. Podsticaj za predate količine jagodičastog voća

Pravo na podsticaj imaju proizvođači jagodičastog voća sa područja općine Kakanj upisani u registar poljoprivrednih gazdinstava i registar clijenata kao nosioci, a koji imaju potpisan Ugovor za tekuću godinu o otkupu ploda jagodičastog voća sa registrovanim otkupljivačem ili prerađivačem jagodičastog voća.

Podsticaj iznosi:

- 0,18 KM/kg za korisnike koji su registrovali poljoprivrednu djelatnost (samostalni poljoprivrednici),
- 0,12 KM/kg za korisnike koji nisu registrovali poljoprivrednu djelatnost.

Potrebna dokumentacija za ostvarivanje podsticaja će biti navedena u javnom pozivu.

Rok za podnošenje zahtjeva je za sorte Miker i Vilamet i ostale vrste jagodičastog voća do 31.08. 2018.godine, a za sortu Polka do 30.11.2018. godine.

Za realizaciju posla zadužuje se Komisija.

Procjena sredstava za ovaj podsticaj iznosi: **52.000, KM.**

B/4 Podsticaj za razvoj proizvodnje u oblasti povrtlarstva u 2018. godini

1. Podsticaj za predate količine ploda zelenog feferona

Pravo na podsticaj imaju poljoprivredni proizvođači sa područja općine Kakanj koji imaju zasnovanu proizvodnju zelenog feferona na vlastitom imanju ili u zakupu i da su upisani u registar poljoprivrednih gazdinstva i registar klijenata kao nosioci.

Kriterije koje mora ispuniti podnosilac zahtjeva za dobijanje novčanog podsticaja za predate količine ploda zelenog feferona su:

- da podnosilac zahtjeva ima zasnovanu proizvodnju zelenog feferona na vlastitom imanju ili u zakupu na području općine Kakanj,
- da ima potpisan Ugovor za tekuću godinu o otkupu ploda zelenog feferona sa firmom Carl Kuhne.

Podsticaj iznosi:

- 0,06 KM/kg za korisnike koji su registrovali poljoprivrednu djelatnost (samostalni poljoprivrednici),
- 0,04 KM/kg za korisnike koji nisu registrovali poljoprivrednu djelatnost.

Potrebna dokumentacija za ostvarivanje podsticaja će biti navedena u javnom pozivu.

Rok za podnošenje zahtjeva je do 28.09.2018. godine.

Za realizaciju posla zadužuje se Komisija.

Procjena sredstava za ovaj podsticaj iznosi: **15.000,00 KM.**

B/5 Podsticaj za održavanje intenzivnih zasada visokostablašica (jabučasto, koštičavo i jezgrasto voće)

Pravo na podsticaj imaju poljoprivredni proizvođači upisani u registar poljoprivrednih gazdinstava i registar klijenata kao nosioci i koji imaju podignute intenzivne zasade visokostablašica (jabučasto, koštičavo i jezgrasto voće) na vlastitom imanju ili na zemljištu u zakupu, površine od 2 do 20 dunuma. U voćnjaku moraju biti provedene neophodne agrotehničke i pomotehničke mjere predviđene principima uzgoja u intenzivnoj proizvodnji.

Pod neophodnim agrotehničkim i pomotehničkim mjerama podrazumjeva se:

I Agrotehničke mjere:

- higijena voćnjaka koja podrazumjeva čišćenje voćnjaka od organskog i neorganskog otpada, košenje trave u međurednom prostoru koja ne smije biti visočija od 10 cm,
- obrada zemljišta u zoni korjenovog sistema frezanjem ili okopavanjem, kao i primjenom herbicida sa ciljem uspostavljanja dobrog vazdušno–vodnog režima i uništavanje korova,
- đubrenje organskim i mineralnim đubrivima u trakama, koji je predviđen zajedno sa obradom zemljišta u stavu br.2,
- zaštita od bolesti i štetnika po programu zaštite za pojedine vrste, a po preporuci stručnjaka iz oblasti voćarstva.

II Pomotehničke mjere:

- zimska i ljetna rezidba

Minimalan broj zasađenih stabala u intenzivnom voćnjaku za koji se aplicira (vidljivo iz registra poljoprivrednih gazdinstava i registra klijenata - Detaljni prikaz biljnih usjeva na posjedima iz 2018. godine) i na terenu:

- jabuka 2.000 komada/ha,
- kruška i višnja 1.500 komada/ha,
- šljiva 900 komada/ha,
- trešnja, breskva, kajsija i lijeska 700 komada/ha,
- dunja 1.000 komada/ha,
- okalemljeni orah 260 komada/ha.

Podsticaj iznosi:

- 75,00 KM/dunumu za korisnike koji su registrovali poljoprivrednu djelatnost (samostalni poljoprivrednici),
- 50,00 KM/dunumu za korisnike koji nisu registrovali poljoprivrednu djelatnost

Potrebna dokumentacija za ostvarivanje podsticaja će biti navedena u javnom pozivu.

Procjena sredstava za ovaj podsticaj iznosi: **10.000,00 KM.**

Rok za podnošenje zahtjeva za održavanje intenzivnih zasada visokostablašica (jabučasto, koštičavo i jezgrasto voće) je do **31.05.2018. godine**

B/6 Podsticaj za sufinansiranje nabavke nove poljoprivredne mehanizacije, priključaka, aparata i druge opreme u poljoprivredi u 2018.godini

Pravo na ostvarivanje podsticaja za sufinansiranje nabavke nove poljoprivredne mehanizacije, priključaka, aparata i druge opreme u poljoprivredi u 2018.godini imaju nezaposlene osobe koje se nalaze na Birou za zapošljavanje(minimalno tri mjeseca od objave javnog poziva), registrovani poljoprivredni proizvođači (samostalni poljoprivrednici) kao i poljoprivredni proizvođači koji imaju potpisan Ugovor sa registrovanim otkupljivačem tržnog viška poljoprivrednih proizvoda za 2018. godinu za opremu neophodnu za ugovorenu proizvodnju.

Također svi podnosioci zahtjeva moraju biti upisani u registar poljoprivrednih gazdinstava i registar klijenata kao nosioci

Nabavka dole navedene nove poljoprivredne mehanizacije, priključaka, aparata i druge opreme u 2018. godini se dokazuje računima o kupovini (faktura i fiskalni račun na ime kupca).

Podstiče se nabavka poljoprivredne mehanizacije, priključaka, aparata i druge opreme u poljoprivredi:

- traktori, motokultivatori, balirke za sijeno, samohodne kosačice, kopačice, freze i priključci:
 - u iznosu do 50% vrijednosti nabavljene mehanizacije i priključaka (maksimalan iznos podsticaja je do 4.500,00 KM), koji su registrovali poljoprivrednu djelatnost (samostalni poljoprivrednici),
 - u iznosu do 30% vrijednosti nabavljene mehanizacije i priključaka (maksimalan iznos podsticaja je do 3.000,00 KM) koji nisu registrovali poljoprivrednu djelatnost.

- plastenici metalne konstrukcije:
 - u iznosu do 4,50 KM/m² (maksimalan iznos podsticaja za plastenike površine do 200 m² je 900,00 KM), koji su registrovali poljoprivrednu djelatnost (samostalni poljoprivrednici),
 - u iznosu do 3,00 KM/m² (maksimalan iznos podsticaja za plastenike površine do 200 m² je 600,00 KM), za korisnike koji nisu registrovali poljoprivrednu djelatnost,
- aparati za mužu krava:
 - u iznosu do 50% vrijednosti nabavljenog aparata (maksimalan iznos podsticaja je do 500,00 KM), koji su registrovali poljoprivrednu djelatnost (samostalni poljoprivrednici),
 - u iznosu do 30% vrijednosti nabavljenog aparata (maksimalan iznos podsticaja je do 300,00 KM), koji nisu registrovali poljoprivrednu djelatnost,
- laktofrizi:
 - u iznosu do 50 % vrijednosti laktofriza (maksimalan iznos podsticaja je do 3.000,00 KM), koji su registrovali poljoprivrednu djelatnost (samostalni poljoprivrednici),
 - u iznosu do 30% vrijednosti laktofriza (maksimalan iznos podsticaja je do 2.000,00 KM), koji nisu registrovali poljoprivrednu djelatnost,
- sistemi za navodnjavanje „kap po kap“
 - u iznosu do 50% vrijednosti nabavljenog sistema (maksimalan iznos podsticaja za nabavku sistema za navodnjavanje za površinu od 3 dunuma je u iznosu od 550,00 KM), koji su registrovali poljoprivrednu djelatnost (samostalni poljoprivrednici),
 - u iznosu do 30 % vrijednosti nabavljenog sistema (maksimalan iznos podsticaja za nabavku sistema za navodnjavanje za površinu od 3 dunuma je u iznosu do 330,00 KM), koji nisu registrovali poljoprivrednu djelatnost,
- motorne prskalice:
 - u iznosu do 50% vrijednosti nabavljene prskalice (maksimalan iznos podsticaja je do 500,00 KM), koji su registrovali poljoprivrednu djelatnost (samostalni poljoprivrednici),
 - u iznosu do 30% vrijednosti nabavljene prskalice (maksimalan iznos podsticaja je do 300,00 KM), koji nisu registrovali poljoprivrednu djelatnost,
- mreže za zasjenjivanje:
 - u iznosu do 50 % vrijednosti nabavljene mreže (maksimalan iznos podsticaja za površinu od 3 dunuma je do 450,00 KM), koji su registrovali poljoprivrednu djelatnost (samostalni poljoprivrednici),
 - u iznosu do 30% vrijednosti nabavljene mreže (maksimalan iznos podsticaja za površinu od 3 dunuma je do 300,00 KM), koji nisu registrovali poljoprivrednu djelatnost,
- sušare za voće, povrće i bilje:
 - u iznosu do 50% vrijednosti nabavljene sušare (maksimalan iznos podsticaja je do 1.500,00 KM), koji su registrovali poljoprivrednu djelatnost (samostalni poljoprivrednici),
 - u iznosu do 30% vrijednosti nabavljene sušare (maksimalan iznos podsticaja je do 900,00 KM), koji nisu registrovali poljoprivrednu djelatnost,

- UV plastenička folija:
 - u iznosu do 50% vrijednosti nabavljene UV folije za površinu plastenika od 200 m² (maksimalan iznos podsticaja je do 300,00 KM), koji su registrovali poljoprivrednu djelatnost (samostalni poljoprivrednici),
 - u iznosu do 30% vrijednosti nabavljene UV folije za površinu plastenika od 200 m² (maksimalan iznos podsticaja je do 200,00 KM), koji nisu registrovali poljoprivrednu djelatnost,

Mehanizacija, priključci, aparati i druga oprema koja je nabavljena na lizing, polovna ili putem komisijone prodaje neće se uzimati u razmatranje i zahtjev će biti odbijen.

Tokom godine može se ostvariti podsticaj po jednoj dostavljenoj fakturi i fiskalnom računu.

Potrebna dokumentacija za ostvarivanje podsticaja će biti navedena u javnom pozivu.

Rok za podnošenje zahtjeva je do 30.11.2018. godine.

Za realizaciju posla zadužuje se Komisija.

Procjena sredstava za ovaj podsticaj iznosi: **40.000,00 KM.**

B/7 Troškovi rada kancelarije Saveza poljoprivrednih udruženja „KAP“ Kakanj za 2018. godinu

Za nastavak rada kancelarije, neophodno je produžiti radni odnos zaposlenika (agronoma) koji bi obavljao stručno-administrativne poslove za sve članove Saveza (izrada i ažuriranje baze podataka, izrada projekata, pružanje stručne pomoći poljoprivrednim proizvođačima, obavješćivanje poljoprivrednih proizvođača o javnim pozivima i podsticajima i pružanje pomoći pri apliciranju na iste, saradnja sa Općinom i višim nivoima vlasti, kao i humanitarnim i drugim nevladinim organizacijama, saradnja na organizaciji i realizaciji projekata, saradnja sa otkupljivačima tržnog viška poljoprivrednih proizvoda i drugo). Odobrena sredstva su planirana za zakup prostora, režijske i druge troškove rada kancelarije, bruto plaću i topli obrok zaposlenika za 12 mjeseci, kao i regres.

Za realizaciju posla zadužuje se Komisija u saradnji sa Službom za finansije Općine Kakanj.

Procjena sredstava za ovaj podsticaj iznosi: **28.500,00 KM.**

B/8 Ugovorene obaveze prema korisnicima podsticajnih sredstava iz 2017. godine (refundacija troškova obaveznih doprinosa i regresiranje kamata)

Shodno potpisanim ugovorima o realizaciji općinskog podsticaja za refundaciju troškova obaveznih doprinosa (PIO, zdravstveno osiguranje i osiguranje od nezaposlenosti) za registraciju djelatnosti - poljoprivreda (osnovna djelatnost), obaveza Općine je bila da onima koji registruju poljoprivrednu djelatnost (osnovna djelatnost) u 2017. godini refundira troškove obaveznih doprinosa u prvoj godini sa 100%, u drugoj godini 50%, a preostalih 50% korisnik sredstava, dok u trećoj godini korisnik sredstava preuzima obavezu uplate doprinosa sa 100 %.

Općina Kakanj će troškove obaveznih doprinosa u navedenom periodu uplaćivati mjesečno na žiro račun korisnika podsticaja, nakon dostavljanja obrazaca 2002 iz kojeg su vidljive uplate obaveznih doprinosa korisnika.

Također za općinski podsticaj "Refundacija kamata za podignute kredite u oblasti poljoprivrede", obaveza Općine Kakanj je bila da korisniku podsticaja refundira kamate za cijeli otplatni period, pojedinačno za svaku godinu na kraju kalendarske godine, po dostavljanju potvrde od banke o uplaćenim kamatama.

Rok za podnošenje zahtjeva je do 14.12. 2018. godine

Za realizaciju posla zadužuje se Komisija.

Procjena sredstava za ovaj podsticaj iznosi: **13.000,00 KM.**

B/9 Neisplaćeni podsticaji iz 2017. godine

Zbog nedostatka finansijskih sredstava u Budžetu Općine Kakanj za 2017.godinu, jedan dio općinskih podsticaja nije isplaćen od strane Službe za finansije Općine Kakanj.

Za realizaciju posla zadužuje se Komisija u saradnji sa Službom za finansije Općine Kakanj

Potreban iznos sredstava: **24.928,23 KM.**

B/10 Sufinansiranje projekata udruženja poljoprivrednih proizvođača u cilju razvoja i unapređenja poljoprivrede na području općine Kakanj

Podsticaj za sufinansiranje projekata udruženja poljoprivrednih proizvođača namijenjen je udruženjima poljoprivrednika koja su članice Saveza poljoprivrednih udruženja „KAP“ Kakanj u cilju razvoja i unapređenja poljoprivrede na području općine Kakanj, a u skladu sa Strategijom razvoja poljoprivrede za period 2016-2020.godina.

Kriteriji koje mora ispuniti udruženje za dobijanje novčanog podsticaja su:

- da je udruženje registrovano u skladu sa Zakonom o udruženjima i fondacijama („Službene novine Federacije Bosne i Hercegovine“, broj: 45/02),
- da je upisano u registar poljoprivrednih gazdinstava i klijenata,
- da dostavi potvrdu o članstvu u Savezu poljoprivrednih udruženja „KAP“ Kakanj,
- da dostavi Projekat koji sadrži slijedeće elemente:
 - naziv projekta, osnovni cilj projekta, aktivnosti koje se sprovode u okviru projekta, iznos sredstava potrebnih za realizaciju aktivnosti, odnosno za sufinansiranje projekta, broj sudionika obuhvaćenih projektom i očekivani rezultati.
- da dostavi ovjerenu izjavu da će pod moralnom, materijalnom i krivičnom odgovornošću sufinansirati projekat u iznosu od 20% od vrijednosti predmetnog projekta i da će dobijena sredstva namjenski utrošiti.

Jedno udruženje može aplicirati na samo jedan projekat u toku godine u maksimalnom iznosu do 5.000,00 KM.

Ocjenu dostavljenih projekata vršit će Komisija koju će imenovati Općinski načelnik.

Nakon utroška dobijenih sredstava, obaveza korisnika podsticaja je da dostave Izvještaj o namjenskom utrošku dobijenih sredstava.

Rok za podnošenje zahtjeva je 30 dana nakon objavljivanja javnog poziva.

Za realizaciju posla zadužuje se Komisija.

Procjena sredstava za ovaj podsticaj iznosi: **30.000,00 KM.**

B/11 Sufinansiranje projekta laktofrizacije na području općine Kakanj

Udruženje uzgajivača krupne i sitne stoke „Farmeri“ Kakanj u saradnji sa agronomom uposlenikom Saveza poljoprivrednih udruženja „KAP“ Kakanj i veterinarskim stanicama sa područja općine Kakanj sačinili su Projekat laktofrizacije na području općine Kakanj. Projekat se bazira na nabavci neophodne opreme - laktofriza, s ciljem da se postigne što bolji kvalitet i higijena mlijeka.

U prethodnoj godini proizvodnja svježeg kravljeg mlijeka na području općine Kakanj koje su otkupljene od registriranih otkupljivača mlijeka iznosila je 763.857 litara , a u narednom periodu očekuje se veća proizvodnja mlijeka. Međutim, imajući u vidu visoke standarde EU za izvoz mlijeka, uz povećanje proizvodnje svježeg kravljeg mlijeka neophodna je i što bolja kvaliteta i higijena mlijeka, te je nabavka laktofriza opravdana i veoma bitna.

Kriteriji koje mora ispuniti gore navedeno udruženje za dobijanje novčanog podsticaja su:

- da je udruženje registrovano u skladu sa Zakonom o udruženjima i fondacijama („Službene novine Federacije Bosne i Hercegovine“, broj: 45/02),
- da je upisano u registar poljoprivrednih gazdinstava i klijenata
- da dostavi potvrdu o članstvu u Savezu poljoprivrednih udruženja „KAP“ Kakanj,
- da dostavi Projekat koji sadrži slijedeće elemente:
 - naziv projekta, osnovni cilj projekta, aktivnosti koje se sprovode u okviru projekta iznos sredstava potrebnih za realizaciju aktivnosti, odnosno za sufinansiranje projekta, broj sudionika obuhvaćenih projektom i očekivani rezultati.
- da dostavi ovjerenu izjavu da će pod moralnom, materijalnom i krivičnom odgovornošću sufinansirati projekat u iznosu od 20% od vrijednosti predmetnog projekta i da će dobijena sredstva namjenski utrošiti.

Općina Kakanj će uplatiti planirani iznos sredstava za nabavku laktofriza na račun Udruženju uzgajivača krupne i sitne stoke „Farmeri“ koji će nakon realizacije Projekta dostaviti račun za nabavku laktofriza i izvještaj o utrošku sredstava.

Za realizaciju posla zadužuje se Komisija u saradnji sa Udruženjem uzgajivača krupne i sitne stoke „Farmeri“ Kakanj.

Procjena sredstava za ovaj podsticaj iznosi: **20.000,00 KM.**

B/12 Nabavka izložbenih stolova za promociju poljoprivrednih proizvoda na sajmovima

Općina Kakanj u saradnji sa Savezom poljoprivrednih udruženj „KAP“ Kakanj, kao i sa JU Kulturno-sportski centar Kakanj, planira da u tekućoj godini nabavi 25 izložbenih stolova i cerada, a koji bi se koristili za promociju poljoprivrednih proizvoda na raznim sajmovima i manifestacijama.

Nabavljeni stolovi bi se skladištili u prostorijama JU Kulturno-sportski centar Kakanj, te bi se po potrebi koristili i iznajmljivali svim zainteresiranim koji bi učestvovali na raznim sajmovima i manifestacijama.

Za realizaciju posla zadužuje se Komisija u saradnji sa Savezom poljoprivrednih udruženja „KAP“ Kakanj i JU Kulturno-sportski centar Kakanj.

Procjena sredstava za ovaj podsticaj iznosi: **6.571,77 KM.**

C) OSTALE VRSTE PODSTICAJA

Općina Kakanj je u Budžetu za 2018. godinu izdvojila sredstva na poziciji „Ugovori o djelu iz Programa podsticaja poljoprivrednoj proizvodnji“ u iznosu od 10.000,00 KM i „Ostale usluge iz Programa podsticaja poljoprivrednoj proizvodnji“, u iznosu od 10.000,00 KM.

C/1 Izvještajno – prognozni poslovi

Sredstva su namijenjena za izvještajno- prognozne poslove koji se obavljaju na teritoriji općine Kakanj, a podrazumijevaju: servisiranje CDA 3 uređaja (agrometeoroloških stanica), nabavka repromaterijala (feromonske klopke, ljepljive ploče, oprema za potrebe rada IPS-a i dr.), sprječavanje širenja, suzbijanja i uništavanja korovske biljne vrste – Ambrozija i nepredviđene aktivnosti u oblasti zaštite bilja, edukacije iz oblasti poljoprivrede (teoretske i praktične).

Realizacija – do kraja decembra tekuće godine.

Za realizaciju posla zadužuje se Stručni saradnik za ruralni razvoj, šumarstvo i zaštitu zdravlja bilja u saradnji sa Komisijom.

Procjena sredstava za ovaj podsticaj iznosi: **8.000,00 KM.**

C/2 Medijsko predstavljanje poljoprivrede, sajmovi, studijske posjete, vezano za poljoprivredu i ruralni razvoj

Ovaj podsticaj je namijenjen za medijsko predstavljanje poljoprivrede na području općine Kakanj, sajmovima vezano za poljoprivredu i ruralni razvoj (Dani organske proizvodnje - Kakanj 2018., Dani polja kukuruza, Dani meda i ocjenjivanje kvalitete sortnih vrsta meda), kao i organizovani odlazak poljoprivrednika na manifestacije i sajmove izvan općine Kakanj (OPENS Zenica, Sajam poljoprivrede u Sarajevu, Sajam u Novom Sadu, Sajam pčelarstva u Beogradu i sl.), te studijske posjete.

Za realizaciju posla zadužuje se Komisija u saradnji sa savjetnikom za informisanje Općine Kakanj, te Savezom poljoprivrednih udruženja „KAP“ Kakanj.

Procjena sredstava za ovaj podsticaj iznosi: **12.000,00 KM.**

IV REALIZACIJA PROGRAMA

Nakon usvajanja Programa od strane Općinskog vijeća, isti će se objaviti na lokalnim sredstvima informisanja, web stranici Općine Kakanj, te dostaviti Savezu poljoprivrednih udruženja „KAP“ Kakanj. Nadležna služba će objavljivati pojedinačne obavijesti i javne pozive zajedno sa kriterijima, rokovima i neophodnom dokumentacijom za prijavu na podsticaj. Po realizaciji Programa, Komisija za podsticaje će sačini Izvještaj o utrošku novčanih sredstava.

Tabelarni prikaz sa iznosima podsticaja po jedinici mjere

A) PODSTICAJI U POLJOPRIVREDI

Naziv podsticaja		Planirani iznos sredstava iz Budžeta Općine Kakanj za 2018.god. (KM)
A/1	Podsticaj za animalnu proizvodnju	
1.	Podsticaj za pčelarstvo	19.000,00
2.	Svinjogojstvo-rasplodne krmače	3.000,00
3.	Podsticaj za specifične vrste poljoprivredne proizvodnje	4.000,00
A/2	Biljna proizvodnja	
1.	Plastenička i staklenička proizvodnja	20.000,00
2.	Sufinansiranje osnovne i dopunske obrade poljoprivrednog zemljišta u oblasti ratarstva i povrtlarstva (proljetna i jesenska obrada)	25.000,00
A/3	Podsticaj otkupljivačima poljoprivrednih proizvoda	
1.	Podsticaj za otkupljivača svježeg kravljeg mlijeka sa područja općine Kakanj	7.000,00
2.	Otkup ljekovitog bilja, voća i povrća sa područja općine Kakanj	5.000,00
A/4	Podsticaj za certifikaciju organske proizvodnje	2.500,00
A/5	Nagrađivanje najuspješnijih poljoprivrednih proizvođača	4.000,00
A/6	Rezervna sredstva	10.500,00
UKUPNO:		100.000,00

**B) KAPITALNA ULAGANJA U POLJOPRIVREDI FINANSIRANJE/
SUFINANSIRANJE**

Naziv podsticaja		Planirani iznos sredstava za podsticaje iz Budžeta Općine Kakanj za 2018.god. (KM)
B/1	Registracija poljoprivrede (osnovna djelatnost)	75.000,00
B/2	Podsticaj za povećanje proizvodnje svježeg kravljeg mlijeka u 2018. godini	
1.	Proizvodnja svježeg kravljeg mlijeka za IV kvartal 2017., I, II i III kvartal 2018. godine	65.000,00
B3	Podsticaj za povećanje proizvodnje u oblasti jagodičastog voća u 2018.godini	
1.	Predate količine jagodičastog voća	52.000,00
B/4	Podsticaj u razvoj proizvodnja u oblasti povrtlarstva u 2018.godini	
1.	Predate količine ploda zelenog feferona	15.000,00
B/5	Podsticaj za održavanje intenzivnih zasada visokostablašica (jabučasto, koštičavo i jezgrasto voće)	10.000,00
B/6	Podsticaj za sufinansiranje nabavke nove poljoprivredne mehanizacije, priključaka, aparata i druge opreme u poljoprivredi	40.000,00
B/7	Troškovi rada kancelarije Saveza poljoprivrednih udruženja „KAP“ za 2018.godinu	28.500,00
B/8	Ugovorene obaveze iz 2017.godine	13.000,00
B/9	Neisplaćeni podsticaji iz 2017.godine	24.928,23
B/10	Sufinansiranje projekata udruženjima poljoprivrednih proizvođača u cilju razvoja i unapređenja poljoprivrede na području općine Kakanj	30.000,00
B/11	Sufinansiranje projekta laktofrizacije na području općine Kakanj	20.000,00
B/12	Nabavka izložbenih stolova za promociju poljoprivrednih proizvoda na sajmovima	6.571,77
UKUPNO:		380.000,00

C) OSTALE VRSTE PODSTICAJA

Naziv podsticaja		Planirani iznos sredstava za podsticaje iz Budžeta Općine Kakanj za 2018.god. (KM)
C/1	Izvještajno - prognozni poslovi	8.000,00
C/2	Medijsko predstavljanje poljoprivrede, sajmovi, studijske posjete, vezano za poljoprivredu i ruralni razvoj	12.000,00
UKUPNO:		20.000,00

PREDSJEDAVAJUĆI
OPĆINSKOG VIJEĆA

Katičić Slaven